






Amparau su mari!

Labboratòriu cun su Biblioteca Comunali de Arbus - 14 ladàmini 2024



Su mari prangit: is làgrimas de sirena









Me in is spiàgias nostas si podint agatai
bòcias pitias pitias, chi assimbillant a sa
gentilla, de coloris differentis, ma
pruschetotu biancas, chi non funt
naturalis ma de pràstica, e ddis nant
làgrimas de sirena.

Custus arrogheddus de pràstica ddus
ant fatus is fàbricas petrolchìmicas,
poita serbint a fai giai totus is strexus
e is ainas de pràstica chi conosceus.








A dolu mannu, calincuna borta acuntessit chi in sa trabballadura, si perdit parti de custa gentilla de pràstica, chi arribbat in s'anei de sa spiàgia e in s'àcua de mari.





**Unu barrancu
mannu po
s'amparu de
su mari!**






Sa micro-pràstica





Micro-pràstica bolit nai arrogheddu de pràstica pitius pitius, prus pitius de 5 millimetrus.


Sa micro-pràstica est fata de cosas de pràstica prus manna chi si spaciat cun su tempus, comenti is arretzas po pisciai, ampuddas e àterus strexus.








Resumu:


Sa micro-pràstica duncas nascit de arrogus prus mannus scallaus e spaciaus de su tempus, invècias is làgrimas de sirena nascint aici, est pràstica noba e unu pagu prus manna, e serbit po fabbricai ainas de pràstica.





**Micro-pràstica o
làgrimas de sirena, su
barrancu est su
pròpiu!**



The background is a light blue gradient with faint, stylized wave patterns. In the top left corner, there are three red, curved lines resembling a fish's tail. In the top right corner, there are several blue circles of varying sizes representing bubbles. The bottom of the image features a dark blue, scalloped-edged border representing the water's surface. Below this border, there are illustrations of green seaweed, a grey rock, and other underwater plants.

Custus arrogheddus de pràstica funt
aici pitius chi podint essi perigulosus
meda po is piscis e po totus is animalis
chi bivint in mari. Su pisci si papat is
làgrimas de sirena, e s'òmini si papat su
pisci, e duncas nosu etotu podeus papai
sa pràstica.

An underwater-themed illustration. The top half is white with light blue wavy lines representing water. In the top left, there are three red, branching coral-like structures. In the top right, there are several blue bubbles of different sizes. The bottom half is a dark blue gradient representing the seabed. A white scalloped line separates the water from the seabed. On the seabed, there are various green and blue plants, including seaweed, a coral-like structure, and a white rock. There are also blue bubbles on the right side of the seabed.

Ita podeus fai nosu?



Ita podeus fai:

prus pagu

CIRCA DE COMPORAI
COSA CHI PORTAT PAGU
IMBODDIÀMINI

SCEBERA AINAS CHI
SI PODINT TORRAI A
IMPERAI

NO A SA PRÀSTICA
CHI SI IMPERAT UNA
BORTA SCETI E
APUSTIS SI SCÀVUAT

Ita podeus fai?

Torra a imperai



DONA UNA VIDA
NOBA A IS AINAS
E A IS STREXUS!

TORRA A IMPERAI IS
STREXUS DE PRÀSTICA PO
ARREGUAI SA COSA DE PAPAI

SCEBERA STREXUS
CHI SI PODINT
TORRAI A CARRIAI







Ita podeus fai?

Fai s'arregorta diferentziada

CUMPRENDI BENI AUNDI
SI SCÀVUANT IS COSAS!



Gràtzias!



REGIONE AUTÒNOMA
DE SARDIGNA



COMUNU DE ARBUS

PROGETU IMOI ETOTU

PROGETU FINANTZIAU CUN SU DINAI DE SA REGIONE AUTÒNOMA DE SARDIGNA
CUNFORMA A SA L. 482/99 E A SA L.R. 22/2018



REGIONE AUTÒNOMA
DE SARDIGNA



COMUNU DE ARBUS

PROGETU IMOI ETOTU